

Rušenje mosta na Bijeljoj	MZ Dežići	7.000,00	7.000,00	100,00
Izmještanje stuba u Šabićima	MZ Šabići	3.500,00	3.318,78	94,82
Izvođenje radova i opremanje prostora za arhivu	MZ Trnovo	30.000,00	0,00	0,00
Izgradnja ograde za zaštitu izvorišta	MZ Šabići	7.000,00	7.000,00	100,00
Nabavka i montaža baby svlačionica	Bjelašnica	10.000,00		0,00
Nabavka putokaza	Sve MZ	1.170,00	996,20	85,15
Izgradnja olimpijskih krugova na Gornjoj Grkarici	MZ Dežići	18.000,00	0,00	0,00
Uređenje korita Rakitnice	MZ Šabići	80.000,00	0,00	0,00
Uređenje korita Crne Rijeke	MZ Delijaš	50.000,00	45.396,00	90,79
Hitne intervencije na bujičnim vodotocima	Sve MZ	80.000,00	0,00	0,00
Rekonstrukcija sportske plohe Dujmovići	MZ Dežići	60.000,00	0,00	0,00
Izgradnja nadstrešnica u naseljenim mjestima	Sve MZ	90.000,00	0,00	0,00
Izgradnja niša na Bjelašnici	Bjelašnica	50.000,00	0,00	0,00
Nabavka hajfiša i kanti za smeće	Sve MZ	20.000,00	0,00	0,00
Opremanje kuća spasa	Bjelašnica	110.000,00	0,00	0,00
6. Ostale usluge				
Rješavanje imovinsko - pravnih odnosa i nabavka zemljišta	Sve MZ	1.200.000,00	754.199,81	62,85
Vršenje stručnog nadzora	Sve MZ	80.000,00	3.987,39	4,98
Održavanje nekropole stećaka Dolovi i Prečani		2.000,00	0,00	0,00
JKP Trnovo d.o.o		600.000,00	344.923,80	57,49
Elektro -Trnovo d.o.o.		200.000,00	0,00	0,00
Grant za JKP Park		30.000,00	0,00	0,00
Prezentacija turističke ponude	Sve MZ	30.000,00	0,00	0,00
Opremanje škole u prirodi	Sve MZ	50.000,00	44.158,77	88,32
Izgradnja grijanja u kući spasa	Bjelašnica	40.000,00	0,00	0,00
Rušenje bespravno izgrađenih objekata	Sve MZ	7.000,00	7.019,53	100,28
7. Zajednički projekti sa drugim investitorima u RS				
a) izgradnja puteva u RS -opština Trnovo	Trnovo-RS	150.000,00	150.000,00	100,00
b) Izgradnja javne rasvjete u RS	Trnovo-RS	30.000,00	0,00	0,00
c) Izgradnja vodovoda Batići	Trnovo-RS	50.000,00	6.300,89	12,60
UKUPNO:		19.001.261,82	5.920.003,88	31,16

Član 5.

Izveštaj o izvršenju Budžeta Općine Trnovo za period 01.01.2021.-30.09.2021. godine objavit će se u "Službenim novinama Kantona Sarajevo".

Broj 01-02-4701
31. decembra 2021. godine
Trnovo

Predsjedavajuća
Općinskog vijeća Trnovo
Amina Dedić, s. r.

Na osnovu člana 7. Zakona o budžetima Federacije Bosne i Hercegovine ("Službene novine Federacije BiH", broj 102/13, 9/14, 13/14, 8/15, 9/15, 102/15, 104/16 i 5/18), člana 7. i člana 13. Zakona o principima lokalne samouprave u FBiH ("Službene novine Federacije BiH", broj 49/06 , 51/00) i člana 24. tačka 3. Statuta općine Trnovo ("Službene novine Kantona Sarajevo", broj 12/08), Općinsko vijeće Trnovo na prijedlog Općinskog načelnika, na 7. sjednici održanoj 29.12.2021. godine, donijelo je

**ODLUKU
O IZMJENI ODLUKE O IZVRŠAVANJU BUDŽETA
OPĆINE TRNOVO ZA 2021. GODINU**

Član 1.

U Odluci o izvršavanju budžeta općine Trnovo za 2021. ("Službene novine Kantona Sarajevo", broj 2/21, 29/21, 46/21), član 13. mijenja se i glasi

"Član 13.

Način izvršavanja budžeta po ekonomskom kodu:

(1) **610000 Bruto plaće i naknade zaposlenih i 612000 Doprinosi poslodavca:** Navedena sredstva koristit će se u skladu sa Odlukom o naknadama i dodacima na plaću državnih službenika i namještenika u Jedinstem Općinskom organu uprave i posebnim stručnim službama Općine Trnovo ("Službene novine Kantona Sarajevo", broj 7/13) Odlukom o plaćama i naknadama nosilaca izvršnih funkcija, pravobranioca, savjetnika, državnih službenika i namještenika u Općini Trnovo ("Službene novine Kantona Sarajevo", broj 22/12, 3/17 i 30/17), Pravilnikom o unutrašnjoj organizaciji jedinstvenog općinskog organa uprave i službi za upravu Općine Trnovo, kao i Zakonom o plaćama i naknadama u organima vlasti FBiH ("Službene novine Federacije BiH", broj 45/10, 11/12 i 20/17), te internih akata Općine. Osnovica za obračun plaća u visini 330 KM i bod za obračun plaće u iznosu 1,0 primjenjivat će se za period od 01.01.2021. godine do 31.12.2021. godine, s mogućnošću povećanja ukoliko se za to obezbijede finansijska sredstva.

(2) **613000 Izdaci za materijal, sitni inventar i usluge:** Sredstva utvrđena u Budžetu na ekonomskom kodu 613000 - Izdaci za materijal, sitni inventar i usluge realizuju se po odobrenju Općinskog načelnika prema utvrđenim namjenama na osnovu validne finansijske dokumentacije u skladu sa propisima.

Sredstvima namjenjenim za reprezentaciju raspoložu svi korisnici definisani Pravilnikom o poklonima i reprezentaciji. Sredstva raspoređena na ovoj stavci se koriste u svrhu korištenja ugostiteljskih usluga za potrebe održavanja tematskih sjednica i poslovnih sastanaka s poslovnim subjektima s područja općine i van. Sredstva planirana za kupovinu cvijetnih aranžmana i prigodnih poklona koriste se za nabavku aranžmana prilikom obilježavanja značajnih događaja i datuma, te prigodni pokloni istaknutim pojedincima i kolektivima te prilikom posjeta općine drugima i posjeta istih općini.

Sredstva za usluge popravke i održavanja zgrada u okviru fonda za jednokratne pomoći za saniranje šteta od posljedica poplava utrošit će se u skladu sa Zakonom o javnim nabavkama ("Službeni glasnik BiH", br. 39/14).

Sredstva za isplate naknada članovima OV, komisija i savjeta MZ isplaćivati će se na osnovu odgovarajućih dokumenata, Odluke ili Zaključka. S pozicije naknada za općinske vijećnike u iznosu od 2 paušala moći će se dodijeliti pomoć u slučaju bolesti za vijećnike.

Za stavke s ovog ekonomskog koda za koje je potrebno provesti postupak javne nabavke, na odgovarajući način se primjenjuje član 11. ove Odluke.

Finansiranje posebne jedinice pri štabu Civilne zaštite obračunavat će se na osnovu rješenja općinskog načelnika o imenovanju članova jedinice i isplaćivati naknada na osnovu posebnog rješenja o visini naknade.

(3) 614000 Tekući grantovi:

a. Grantovi **humanitarnim organizacijama** - Ukupno planirana sredstva za humanitarne organizacije u toku 2021. godine isplaćivat će se mjesečno u visini od 1/12 planiranih sredstava.

b. **Političke partije** - Raspodjela i korištenje sredstava u iznosu od 40.000,00 KM vršit će se u skladu sa posebnom Odlukom o finansiranju parlamentarnih grupa iz budžeta Općine Trnovo ("Službene novine Kantona Sarajevo", broj 20/17).

c. **Udruženja**: Raspodjelu ukupno planiranih sredstava za Udruženja građana boračkih i dr. organizacija koristit će se mjesečno u visini od 1/12 planiranih sredstava.

d. **Tekući transfer za kupovinu medicinske opreme** - Sredstva će se doznačiti po Sporazumu Crvenom križu Trnovo za nabavku medicinske opreme - ortopedskih pomagala.

e. **Tekući transfer za Centar za socijalni rad** - Sredstva će se doznačiti po Sporazumu sa pomenutom institucijom.

f. Transfer **Općinskoj izbornoj komisiji** realizira se u skladu sa dostavljenom finansijskom dokumentacijom, u skladu sa finansijskim planom Općinske izborne komisije i planiranim aktivnostima.

g. **Izdaci za obilježavanje historijskih ličnosti i događaja** Korištenje sredstava vršit će se u skladu sa Kalendarom za obilježavanje značajnih događaja i datuma, a po osnovu zaključka općinskog načelnika. Sredstva će se planirati uzimajući u obzir plan aktivnosti i učesnike u obilježavanju značajnog događaja, o čijem utrošku će se podnijeti izvještaj.

h. **Izdatke za sport** koristit će Sportski klubovi, pojedinci i sportske manifestacije na području općine Trnovo. Dodjela sredstava vršit će se na osnovu posebno izrađenog Programa i plana o finansiranju kulturnih manifestacija i sportskih takmičenja, te na osnovu opravdanog zahtjeva korisnika u cilju podrške udruženjima i pojedincima, te zaključkom Načelnika.

i. **Izdaci za kulturu** koristit će se za kulturne manifestacije društava i pojedinaca u skladu sa Programom i planom o finansiranju kulturnih manifestacija i sportskih takmičenja a prema Programu nadležne službe, te na osnovu opravdanog zahtjeva korisnika u cilju podrške udruženjima, pojedincima i promociji kulture, te zaključkom Načelnika.

j. **Sredstva iz Fonda za mlade** odobravaće se na zahtjev zainteresovanih subjekata u skladu sa objavljenim javnim pozivom, te na osnovu opravdanog zahtjeva korisnika u cilju pomoći mladima pri prekvalifikaciji, sticanju novih znanja i vještina, pomoć pri pokretanju poslovanja, te zaključkom Načelnika.

k. **Sredstva iz fonda za pravnu i socijalnu pomoć** mogu koristiti boračka udruženja za potrebe pružanja pravne i socijalne pomoći svojim članovima kao i pojedinci, po osnovu zahtjeva istih, a na osnovu zaključka općinskog načelnika. Po zahtjevima udruženja odobriće se veći iznos sredstava nego po zahtjevima pojedinaca.

l. **Sredstva iz fonda za opremanje školaraca** - sredstva namijenjena za kupovinu školskog pribora najugroženijoj kategoriji učenika (evidencija od strane nadležne općinske službe). Sredstva iz ovog fonda koristiće se i za nabavku neophodnih sredstava i opreme za podršku školarcima u cilju poboljšanja uslova i boljeg kvaliteta izvođenja nastave i procesa učenja, i pomoć pri kupovini prijevoznih karti za učenika III i IV razreda, koji putuju s područja općine. Korištenje sredstava će se vršiti po osnovu zaključka općinskog načelnika po pojedinačnom zahtjevu ili javnom pozivu za dodjelu pomoći pri školovanju ili doznakom finansijskih sredstava osnovnoj školi, a sve u skladu sa Zakonom o Javnim nabavkama.

m. **Stipendije učenika i studenata** isplaćuju se mjesečno na osnovu potpisanog ugovora, po prethodno provedenom konkursu u skladu sa Pravilnikom i Odlukom Općinskog vijeća iz planiranog fonda za stipendije.

n. **Novčana pomoć za socijalnu i zdravstvenu zaštitu** koristit će se na osnovu donesenog Zaključka Općinskog načelnika putem službe nadležne za navedene poslove, po svakom pojedinačnom zahtjevu u iznosim od 50 do 200,00 KM. Dodjela ovih sredstava vršit će se na osnovu Pravilnika o načinu i postupku odobravanja jednokratne novčane pomoći iz budžeta Općine Trnovo

o. Po zahtjevima za teža oboljenja građana i dr. slične situacije mogu se koristiti sredstva u većim iznosima, a maksimalno 500,00 KM s tim da uz zahtjeve postoji potrebna zdravstvena dokumentacija o vrsti oboljenja i visini sredstava potrebnih za liječenje.) Isplata ovih sredstava će biti iz posebno oformljenog fonde za pomoć **pri liječenju socijalnih kategorija**. Dodjela ovih sredstava vršit će se na osnovu Pravilnika o načinu i postupku odobravanja jednokratne novčane pomoći iz budžeta Općine Trnovo.

p. **Pomoć pri liječenju boračkih** kategorija namijenjena su za liječenje teže oboljelih pripadnika boračkih kategorija (karcinom, moždani udar i druga oboljenja koja se kvalificiraju kao teža) i mogu biti odobrena u maksimalnom iznosu do 3.000,00 KM o čemu će se donijeti odgovarajući Pravilnik.

q. **Pomoć za lica koja su prebolovala Covid-19**- sredstva će se doznačiti javnim pozivom licima koja su prebolovala Covid-19 uz predloženu adekvatnu liječničku dokumentaciju kojom će isto potkrijepiti. Visina sredstava po osobi je planirana u iznosu od 100,00 KM.

r. **Pomoć porođiljama/novorodenčadima** sa područja Općine Trnovo, za svako upisano novorođeno dijete u MKR Općine Trnovo isplaćivaće se po 50,00 KM mjesečno. Dodjela sredstava sa ove stavke vršit će se jednokratno za godinu dana na osnovu zaključka općinskog načelnika.

r. **Izdaci za socijalnu i zdravstvenu zaštitu-pomoć kod smrtnog slučaja užeg člana porodice** - socijalnim kategorijama stanovništva koje zadesi smrtni slučaj užeg člana porodice na osnovu dostavljenog zahtjeva snosit će se troškovi ukopa uz adekvatno dostavljenu dokumentaciju u skladu sa raspoloživim sredstvima u budžetu, po Pravilniku općinskog načelnika.

s. Sredstva **novovjenčanim parovima** sa područja Općine Trnovo u iznosu od **500,00 KM** dodijeliti će se za svaki novovjenčani par sa adresom prebivališta na području općine Trnovo. Dodjela sredstava sa ove stavke vršit će se na osnovu zaključka općinskog načelnika u skladu sa Pravilnikom.

t. **Tekući transferi vjerskim zajednicama** korišće se za finansiranje održavanja vjerskih manifestacija, podrška radu zajednice i pomoć pri tekućem održavanju objekata.

u. **Novčana pomoć penzionerima** - sredstva će se koristiti za jednokratne novčane pomoći penzionerima koji imaju penzije do 500,00 KM, iznos naknade po pojedincu je 50,00 KM i isplatit će se na osnovu službene evidencije zavoda za PIO/MIO, potpisati sporazum sa Zavodom, sredstva doznačiti Zavodu i on vrši krajnju isplatu korisnicima.

v. **Novčana pomoć-šehidske porodice** - planirana sredstva za jednokratne pomoći u iznosu od po 50,00 KM po korisniku. Za isplatu sredstava koristit će se službena evidencija Udruženja porodica šehida i poginulih boraca općine Trnovo.

w. **Novčana pomoć** - ratni vojni invalid i planirana sredstva u budžetu za jednokratne pomoći u iznosu od po 50,00 KM po korisniku. Za isplatu sredstava koristit će se službena evidencija korisnika Službe za opću upravu, društvene djelatnosti, invalidsku, dječiju i socijalnu zaštitu.

x. **Novčana pomoć** - demobilisani borci - planirana sredstva u budžetu za jednokratne pomoći u iznosu od po 50,00 KM po korisniku. Sredstva namjenjena za isplatu demobilisanim borcima koji se nalaze na evidenciji Službe za opću upravu, društvene djelatnosti, invalidsku, dječiju i socijalnu zaštitu i korisnici su egzistencijalne naknade. Po zvaničnoj evidenciji korisnika iz pomenute službe će se vršiti krajnje isplate.

y. **Novčana pomoć za svako novorođeno treće dijete** - sredstva će se dodjeljivati pojedincima na osnovu zaključka općinskog načelnika u skladu sa predočenim dokazima o rođenju trećeg djeteta, a na osnovu pojedinačnih zahtjeva. Iznos sredstava je 50,00 KM mjesečno.

z. **Novčana pomoć za svako novorođeno četvrto dijete** - sredstva će se dodjeljivati pojedincima na osnovu zaključka općinskog načelnika u skladu sa predočenim dokazima o rođenju četvrtog djeteta, a na osnovu pojedinačnih zahtjeva. Iznos sredstava je 50,00 KM mjesečno.

U cilju osiguranja transparentnosti dodjele tekućih transfera potrebno je definisati donošenje programa i kriterija utroška, a realizaciju vršiti na osnovu javnog poziva. Također, od korisnika transfera zahtijevati izvještaje o namjenskom utrošku sredstava.

Sredstva transfera udruženjima i drugim neprofitnim organizacijama za koje su Budžetom ili **Odlukom vijeća** utvrđeni krajnji korisnici, realizuju se na osnovu potpisanog

protokola ili ugovora putem nadležne službe ili ovom ili drugom odgovarajućom odlukom.

Subvencije privrednim subjektima:

Sredstva planirana za razvoj poljoprivrede koristit će se po oglašavanju u skladu sa Javnim pozivom, koji će raspisati Općinski načelnik na prijedlog nadležne službe, s tim da se općinskom načelniku ostavlja rezerva u iznosu od 10% za potrebe hitnog intervenisanja u oblasti nastanka štete u poljoprivredi.

Sredstva planirana za pomoć privrednicima rasporedit će se u skladu sa raspisanim Javnim pozivom.

Kapitalna ulaganja:

a. 821000 Nabavka opreme

Ovlašćuje se Općinski načelnik da vrši nabavku opreme za potrebe organa u visini odobrenih sredstava u posebnom dijelu Budžeta.

b. 821000-Korištenje sredstava za izgradnju skloništa

Sredstva za izgradnju skloništa koristit će se za namjene utvrđene Zakonom o zaštiti spašavanja ljudi i materijalnih dobara od prirodnih i drugih nesreća.

Kapitalni grantovi:

a. **615** - Korištenje sredstava kapitalnih grantova pojedincima i neprofitnim organizacijama Općinski načelnik vršit će u skladu sa utvrđenom namjenom, u skladu sa Programom Fonda prostornog uređenja i potpisanih sporazuma, te zaključkom načelnika na osnovu opravdanog zahtjeva korisnika.

U okviru kapitalnih izdataka pojedincima u programu naplate i usmjeravanja sredstava od naknade za uređenje građevinskog zemljišta planirana je i obnova stambenih objekata pojedincima. Od ukupno planiranih sredstava na ovoj stavci ostavlja se mogućnost općinskom načelniku da do 10% sredstava usmjeri na finansiranje ugradnje građevinskog materijala porodicama u stanju socijalne potrebe, što će se pobliže odrediti odgovarajućim Pravilnikom općinskog načelnika.

Također, u okviru ovog konta planirana su sredstva pojedincima u svrhu pomoći pri sanaciji šteta na imovini nastalih usljed prirodnih nepogoda, a odobravaju se Zaključkom općinskog načelnika.

Zatim u okviru kapitalnih grantova pojedincima planirana je dodjela sredstava za izgradnju poljoprivrednih objekata i sanaciju krovova poljoprivrednih objekata koja će se doznačiti pojedincima na osnovu raspisanog javnog poziva. Nadležna općinska služba će donijeti pravilnik na osnovu kojeg će se raspisati javni poziv. Korisnici ovih sredstava će bit isključivo poljoprivrednici koji namjeravaju sanirati objekte u kojima boravi stoka.

U okviru fonda prostornog uređenja planiran je **fond za jednokratne pomoći za saniranje šteta od posljedica poplava**. Sredstva iz ovog fonda isplatiti će se odlukom općinskog vijeća po prijedlogu općinskog načelnika, a na osnovu izvještaja stručne komisije koja će izvršiti procjenu šteta na terenu i donijeti konkretne prijedloge o iznosima sredstava po pojedincu ili pravnom licu.

b. **Sredstva Fonda prostornog uređenja** raspoređena programom trošit će se u skladu sa planom programa, potpisanim ugovorima i sporazumima, a Program je sastavni dio budžeta općine Trnovo za 2021. godinu.

Kapitalni transferi javnim preduzećima - planirani kao grantovska sredstva u Programu naplate i usmjeravanja

sredstava od rente i uređenje dodjelit će se u skladu sa potpisanim sporazumom o dodjeli grantovskih sredstava a u svrhu provođenja planskih aktivnosti preduzeća usvojenih od strane skupštine preduzeća.

Sredstva za naprijed navedene stavke će se usmjeravati prema prilivu sredstava.

Za usmjeravanje i upotrebu sredstava zadužuje se Općinski Načelnik.

Dio sredstava prikupljenih od kapitalnih primitaka prodajom zemljišta usmjeriće se na finansiranje troškova u cilju održivog funkcionisanja organa, te za izmirenje troškova vještaka i drugih zavisnih troškova oko implementacije Programa.

Namjenska sredstva koristiće se u skladu sa namjenom i važećim Zakonima iz oblasti na koju se odnosi vrsta prihoda.

Član 2.

Ova Odluka stupa na snagu danom donošenja i objavit će se u "Službenim novinama Kantona Sarajevo", a primjenjivat će se za fiskalnu 2021. godine.

Broj 01-02-4703

Predsjedavajuća

31. decembra 2021. godine

Općinskog vijeća Trnovo

Trnovo

Amina Dedić, s. r.

Na osnovu člana 24. i 117. Statuta Općine Trnovo ("Službene novine Federacije BiH", broj 12/08), Općinsko vijeće Trnovo, na 7. sjednici, održanoj dana 29.12.2021. godine, donosi

ODLUKU

Član 1.

Daje se saglasnost općinskom načelniku da u ime Općine može provesti procedure kratkoročnog oročenja iznosa od 5.000.000,00 KM (slovno: pet miliona i 00/100 KM) kod poslovnih banaka.

Član 2.

Period na koji se oročavaju novčana sredstva iznosi 12 mjeseci.

Član 3.

Ovlašćuje se općinski načelnik da u skladu s pozitivnim zakonskim propisima provede odgovarajuće procedure u cilju provedbe obaveza iz člana 1. ove Odluke.

Član 4.

Ova odluka stupa na snagu danom donošenja.

Broj 01-02-4702

Predsjedavajuća

31. decembra 2021. godine

Općinskog vijeća Trnovo

Trnovo

Amina Dedić, s. r.

Na osnovu člana 1. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 29. Odluke o osnivanju javnog preduzeća za obavljanje poslova iz oblasti energetike od javnog interesa općine Trnovo "ELEKTRO-TRNOVO" d.o.o ("Službene novine Kantona Sarajevo", broj 20/17) i člana 24. i 117. Statuta Općine Trnovo ("Službene novine Kantona Sarajevo", broj 12/08), na prijedlog općinskog načelnika, Općinsko vijeće Trnovo na 7. sjednici održanoj dana 29.12.2021. godine, donosi

ODLUKU

I

Ovom odlukom imenuju se predsjednik i dva člana Skupštine Javnog preduzeća "ELEKTRO-TRNOVO" d.o.o., i to:

1. SMJEČANIN OSMAN, dipl. ing. arh. - predsjednik Skupštine,
2. VELIĆ ESAD, dipl. pravnik - član Skupštine i
3. PINDŽO HARIS, dipl. ing. mašinstva - član Skupštine

II

U vršenju dužnosti članovi Skupštine dužni su se pridržavati odredaba Zakona o privrednim društvima ("Službene novine Federacije BiH", broj 81/15 i 75/21) odredaba Zakona o javnim preduzećima ("Službene novine Federacije BiH", broj 8/05, 81/08 i 22/09), odredaba Statuta Preduzeća i drugih propisa i akata koji reguliraju ovu oblast.

III

Skupština Javnog preduzeća "ELEKTRO-TRNOVO" d.o.o., imenuje se na mandatni period od 4 godine.

IV

Ova odluka stupa na snagu danom objavljivanja na oglasnoj ploči općine Trnovo, a objavit će se naknadno u "Službenim novinama Kantona Sarajevo".

Broj 01-02-4679/21

Predsjedavajuća

30. decembra 2021. godine

Općinskog vijeća Trnovo

Trnovo

Amina Dedić, s. r.

Odluka objavljena na oglasnoj ploči Općine Trnovo dana 30.12.2021. godine

Na osnovu člana 1. Zakona o ministarskim, vladinim i drugim imenovanjima Federacije Bosne i Hercegovine ("Službene novine Federacije BiH", br. 12/03, 34/03 i 65/13), člana 29. Odluke o osnivanju javnog preduzeća za obavljanje poslova iz oblasti energetike od javnog interesa općine Trnovo "ELEKTRO-TRNOVO" d.o.o ("Službene novine Kantona Sarajevo", broj 20/17) i člana 24. i 117. Statuta Općine Trnovo ("Službene novine Kantona Sarajevo", broj 12/08), na prijedlog Općinskog načelnika, Općinsko vijeće Trnovo na 7. sjednici, održanoj dana 29.12.2021. godine, donosi

ODLUKU

I

Ovom odlukom razrješavaju se dužnosti predsjednik i dva člana Skupštine Javnog preduzeća "ELEKTRO-TRNOVO" d.o.o., i to:

1. VELIĆ ESAD,
2. SMJEČANIN OSMAN i
3. MILIŠIĆ NAĐA

II

Imenovani iz člana I Odluke razrješavaju se dužnosti, zbog isteka mandata na koji su imenovani.

III

Ova odluka stupa na snagu danom objave na oglasnoj ploči općine Trnovo, a naknadno će se objaviti u "Službenim novinama Federacije BiH".

Broj 01-02-4680/21

Predsjedavajuća

30. decembra 2021. godine

Općinskog vijeća Trnovo

Trnovo

Amina Dedić, s. r.

Odluka objavljena na oglasnoj ploči Općine Trnovo dana 30.12.2021. godine